

In Gran Consejo.

Consier del Sestier di Canarejo.

† Sier Lorenzo Corer, fo conte a Zara, qu. sier Lorenzo, dopio, ducati 1200 e il don, contadi 1000, e azonze ducati 300, in tutto ducati 1500 . . . . .	690.240
Sier Hironimo Barbarigo, fo di Pregadi, qu. sier Beneto, ducati 1000 e il don, contadi . . . . .	278.636
Sier Tadio Contarini, el provedador a le Biave, qu. sier Nicolò, dopio, oltra ducati 150 prestò ultimamente, oferisse ducati 1200 contadi e il don. <i>Item</i> , azonze altri ducati 300, in tutto ducati 1500 . . . . .	416.487

Podestà a Uderzo.

† Sier Zuan Bondimier qu. sier Alvisè, qu. sier Zuane, ducati 300 e il don, contanti 200 . . . . .	567.323
Sier Vicenzo Badoer, fo avochato grande, qu. sier Sebastian el cavalier, ducati 250 e il don. . . . .	318.574
Sier Piero Zorzi di sier Lodovico qu. sier Jacomo . . . . .	316.603
Sier Hironimo Michiel di sier Alvisè, fo al Fontego di Todeschi, ducati 300 e il don, dil qual portò contadi 200	492.406
Sier Lunardo Zantani qu. sier Hironimo	487.435

208\* Un Provedador a la Justicia nuova.

† Sier Gasparo Salamon, fo camerlengo a Treviso, di sier Carlo, ducati 400 e il don, contanti 300 e dona <i>etiam</i> altri ducati 100 . . . . .	538.382
Sier Zuan Barbo di sier Alvisè, ducati 400 e il don, contadi 300 . . . . .	386.535
Non. Sier Lodovico Michiel qu. sier Piero da San Polo, per la caxada, sier Luca da cha' da Pexaro fo auditor novo, qu. sier Alvisè, oltra ducati 300, oferse per la Justicia nuova al banco <i>etiam</i> ducati 300 e il don . . . . .	512.408
Sier Francesco da Molin, fo Signor di note, qu. sier Piero, ducati 400 e il don . . . . .	310.592

Et per esser l'ora tarda, non fo balota' de altre voxe, le qual andò zoso: zoè Camerlengo in Cao d'Istria, Camerlengo a Napoli di Romania, Consolo di merchadanti et extraordinario.

Fo stridato far il primo Gran Consejo, un Consier, un Avogador extraordinario et un Provedador a la Justicia nuova.

Fo posto ozi, per li Consieri e Cai di XL, atento il bisogno di danaro, per questa volta solamente far per scurtinio dil Consejo di Pregadi, li infrascripti rezimenti et officii: Baylo e capitano a Corfù, Podestà et capitano a Treviso, Podestà et capitano a Ruigo, Capitano a Raspo, Podestà a la Badia, Podestà a Citadella, Conte a Puola, Maraschalcho in la Patria di Friul, Conte et capitano a Dulzigno, Governadori de l'intrade, et a le Raxon nuove. Ave 12 non sincere, 344 di no, 610 di si et fu presa.

*Di campo, fo letere di Villafrancha dil provedador Gritti, di 26.* Come monsignor di Lutrech havia auto una letera dil vescovo di Trento, che li avisava esser presto a levar le ofese etc. Et Lutrech li ha risposto che di di in di aspetava monsignor di Curtavilla che vien a tuor il possesso di Verona per nome dil re Catholico, dal qual si averà l'ordine e si leverà le ofese; el qual non pol star a zonzer. *Item*, il Provedador scrive, zercha danari si mandì, longamente, per li francesi *ut in litteris*. *Item*, domino Alexandro Bajon è contento prestar ducati 2000, con questo sia asegurado a la restitution sopra . . . . *Item*, sollicita a Brexa e Bergamo, per aver danari dil sussidio over imprestado, et vol mandar uno suo fin li per questo.

*Dil provedador Gradenigo, di Albarè, di eri sera. De occurrentiis.*

Nota. Fo mandato in questa sera in campo ducati 3000.

*Di Treviso, di sier Nicolò Vendramin podestà et capitano.* Come manda altri danari scossi di l'imprestado. *Item*, che si à auto fin qui da Treviso ducati . . . milia. Et per Colegio li fo scritto in sua gran laude, sollicitando mandar di altri.

*Di Padoa, di rectori.* Hanno scosso fin qui di l'imprestado ducati 300 et atendono il resto. Et per Colegio fo scritto sollicitandoli a la exatione, perchè al tutto bisognava aver li danari.

Et è da saper, doman sier Almorò Donado podestà fa una bellissima festa in palazzo a soe spese, spenderà ducati . . . .

*Di Vicenza, di sier Nicolò Pasqualigo podestà et capitano.* Zercha li danari etc. Et voleano mandar orator di qui. *Unde*, per Colegio, li fo